

四庫全書

子部

欽定四庫全書

子部

管城碩記卷二十二

詳校官中書臣徐志晉

員外郎臣牛稔文覆勘

覆校官中書臣方大川

校對官中書臣王璿

謄錄監生臣陳煜

欽定四庫全書

管城碩記卷二十二

翰林院檢討徐文靖撰

正字通二

莫注云俗字舊注音畏况云草名泥

按易泰初曰以其彙征古古文彙作莫傳氏注曰莫古偉字美也

毬注云同穉俗省舊注音冗與醜同後穉注引正譌俗作醜非不知毬即穉之譌省分為二非

按周禮司裘中秋獻良裘鄭注曰中秋鳥獸毼毼因其良時而用之陸德明曰毼音毛賈公彥曰中秋鳥獸毼毼此是尚書堯典文据此毼蓋古毛字若謂毼同毼當是中冬安得謂中秋即毼毼乎新舊注皆謬
帝注云裘字之譌

按詩摲木云葛藟縈之陸氏曰縈本又作帶烏營反非譌字也

過注云俗字舊注音適美也誤

按詩碩人之邁毛傳曰邁寬大貌陸氏曰邁苦禾反
韓詩作邁邁美貌

癘注云俗疔字舊注音宙與疔同非又音倒病也音紬
心悸並非

按詩我心憂傷惄焉如擣毛傳曰擣心疾也陸氏曰
擣丁老反本或作癘韓詩作疔除又反義同

昂注云音卯西方宿又尤韻音倅詩召南維參與昂叶
下凋猶舊注音留因毛詩叶力求切而誤

按詩維參與昴毛傳曰參伐也昴畱也陸氏曰昴音
卯徐又音茅一名畱畱如字史記律書曰北至于畱
言萬物之稽畱也故曰畱舊注音畱本此又毛詩並
無力求切也

矜注云音京矛柄也別作矜

按詩二矛重英陸氏曰矛莫侯反方言矛柄謂之矜
郭璞注曰矜音巨中反据此則矜當讀為登音京者
非也考工記曰秦無廬鄭注秦多細木善作矜秘賈

氏曰矜秘者竹攢秘也攢謂秘之入筌處秘即柄也
方言矛骹謂之筌注曰即矛刃下口是也吳越韻補
曰矛冒也刃下矜也是矜當音筌矣正字通於矛字
注乃云吳氏說非不知其本於方言也

蜺注云舊注音池蜺子引周禮祭祀共廬羸蜺內則蜺
醢今考國語里革曰魚禁鯢鰈蠃舍蜺蛭由此推之祭
祀豆實禮尚芳潔蜺當水中介蟲如蛤蜊蚌蜺之類非
蜺子無疑

按詩成是貝錦傳曰貝錦錦文也鄭箋曰云錦文者
文如餘泉餘蚺之貝文陸氏曰蚺直基反貝黃白文
曰餘蚺禮祭統陸產之醢鄭注曰陸產之醢蚺蚺之
屬周禮醢人饋食之豆蜃蚺蚺即餘蚺之類也藝文
類聚引爾雅餘蚺音治相貝經曰南海貝如珠磔或
白駁其性寒其味甘陸璣詩疏曰貝水中介蟲也龜
鼈之屬張衡西京賦摻蓼萍浪乾池滌數上無逸飛
下無遺走獲胎拾卵蚺蜃盡取庾闡揚都賦其中則

有靈蛟白龜之族種繁六眸類豐三足寄居負教鸚
螺脫骨餘泉如輪文蚺如琢則夫味甘性寒堪充醢
豆者必是物也

髀注云俗字韻會髀或作髀舊注胡了切水臙也又與
髀同並非

按詩徒御不驚大庖不盈毛傳曰自左臙而射之達
于右臙為上殺射左髀達于右髀為下殺陸氏曰臙
或作髀胡了反一本作髀呂忱于小反乃不考古注

並以為非何也

銚注云音挑農器舊注泥正韻音堯非

按詩序乃錢鏐毛傳曰錢銚也陸氏曰銚七遙反何士堯反沈音遙正義曰世本垂作銚宋仲子注云刈也正韻音堯不誤

光注云舊注同兕按集韻收光孔宙楊統碑或作光皆譌文闕可也

按詩稱彼兕觥陸氏曰兕字又作光爾雅光似牛光

同兕非譌文也酈元肥水注倉光都水是營是作朱
謀埠箋曰史記齊世家云倉兕倉兕總爾舟揖王充
論衡作倉光云是水中獸也不審光乃光字之譌耳
說文兕如野牛其皮堅厚可制鎧蓋當時軍士以兕
為鎧因呼曰蒼兕蒼總爾衆庶與爾舟揖後至者斬
爾即謂蒼兕夫也乃以為水中之獸善覆人船太謬
據注云音希通雅據尊因娑孫恂五歌韻收之此緣鄭
注禮器畫作鳳羽娑娑然故音娑耳南史劉杳傳刻木

為獸形鑿頂及背以出納酒阮諶三禮圖畫為牛象則犧當讀本音無妄音

按文廟禮樂志曰詩犧尊將將毛傳曰犧尊沙飾也言沙牛飾尊而先儒謂沙羽飾畫為鳳凰之形誤矣蓋牛有二種一曰沈牛牛之善水者也一曰沙牛俗亦謂之黃牛且言有沙飾也似不為金牛若今牛鼎有牛之飾而已王肅云太和中魯郡於地中得齊大夫子尾送女器有犧尊以犧牛為尊則是製為犧牛

於背納酒於頂出之也莊子外篇曰百年之木破為犧尊青黃文之也是犧尊有青牛黃牛之飾矣毛傳沙飾蓋沙牛也

𡗗注云𡗗字之譌𡗗音滔

按青衿詩曰佻兮達兮說文引詩曰𡗗兮達兮𡗗即佻古今字也非𡗗字之譌

𡗗注云音剡曲禮介曰不拜為其拜而𡗗拜舊注訓詐非𡗗俗譌作𡗗舊本草部𡗗重出宜刪

按曲禮為其拜而菱拜鄭注曰菱則失容節菱猶詐也陸氏曰菱子卧反又側稼反是讀菱為詐也菱本从草非俗譌也

塾注云音年瓦器舊注塾土釜以木為之象土釜形誤按曲禮敦年鄭注曰年讀曰塾陸氏曰齊人呼土釜曰塾孔疏曰隱義云塾土釜也今以木為器象土釜之形舊注本此

駢注云譌字舊注音獵車嬰以御風塵誤

按周禮巾車掌公車之政輦車組輓有翼鄭氏曰有翼所以御風塵故書翼為駢杜子春云當為翼書亦或為駢陸氏釋文駢並音獵舊注本此

臙注云俗字舊注音產臙臙羹也沿集韻韻會而誤按內則雛燒孔疏曰火中燒之然後調和若今之臙也

莎注云音梭曲禮共飯不澤手鄭注澤謂按莎也一說按莎當作接抄兩手相切摩也舊注接抄附莎注誤

按郊特牲曰汁獻沉于醢酒鄭注獻當讀為莎齊語聲之誤也鉅鬯者中有煮鬱和以盎齊摩莎涕之出其香汁因謂之汁莎是按莎猶摩莎皆作莎

於注云音飲案屬陳澧集說於一名斯禁見鄉飲酒禮鄭康成曰於斯禁也大夫斯禁士於禁鄭以禮器廢禁為廢去其禁又分大夫用於士用禁並誤

按禮器天子諸侯之尊廢禁大夫士於禁注曰廢猶去也於斯禁也謂之於者無足有似於於大夫用斯

禁士用於禁據此則廢去其禁專為天子諸侯之尊
而言豈并士大夫亦廢之哉何云鄭誤

焦注云俗焦字凡經傳作焦者皆贅文誤不自說文始
按周禮春官華人掌焦契以待卜事注曰士喪禮楚
燂置于焦在龜東焦謂炬也大雅縣之詩爰契我龜
正義曰卜用龜以楚燂之木燒之於焦炬之火既然
執之以灼龜又燕禮宵則庶子執燭於阼階上注曰
燭焦也賈氏曰古者無麻燭而用荆焦故少儀云主

人執燭抱炆鄭注未藝曰炆炆與焦義各不同炆字
从火从焦亦如木之有櫟水之有湑土之有堙也豈
可盡為贅乎

閤注云音廬爾雅巷門謂之閤讀書通廬通作閤非
按鄉射禮君國中射則皮樹中于郊則閤中陳祥道
禮書閤如驢一角山海經縣雍之山獸多閤廩郭注
閤即羴也似驢而岐蹄角如廩羊一名山驢周書北
唐以閤南史滑國傳野驢有角皆即閤也

匱注云舊注酸上聲淥米箕誤儀禮士冠禮匱莒類蓋盛物之器非箕也

按士冠禮爵弁皮弁緇衣冠各一匱鄭注匱竹器名今之冠箱也古文匱為簋素管反汎云莒類非

甃注云同甃音奐柔皮革也正譌治皮革者以瓦為甃反覆熏揉之故从四瓦舊本穴部譌作甃正韻收究闕甃竝非

按考工記攻皮之工函鮑鞞韋裘鄭注曰鮑書或為

韋蒼頡篇有韋𦥑賈氏曰按藝文志蒼頡七篇李斯作韋𦥑是其一篇內有治皮之事又按吳錄曰皇象與人論草書曰欲見草書宜得精毫𦥑筆委曲宛轉不判散者𦥑筆之𦥑亦可从四从瓦乎以𦥑為𦥑之譌非

執圭注云同輕本作輶毛詩作輶舊本譌作輶非

按既夕禮志矢一乘軒輶中亦短衛鄭注曰輶輶也賈氏曰鄭讀輶從輶以其車旁周非是軒輶之輶故

讀從執下至執古執字也

洗注云音徙承水器其形若盤古皆稱盤匱不謂之洗盤言其形洗言其用也

按儀禮士冠禮曰夙興設洗直于東榮鄭注洗承盥洗棄水器也士用鐵賈氏曰按漢禮器制度洗之所用士用鐵大夫用銅諸侯用白銀天子用黃金也今云古皆稱盤匱不謂之洗則夙興設洗此時尚未盥手何遽先謂之洗乎又按少牢云司宮設盥水於洗

東有科若使洗言其用又何以有洗東乎博古圖及
彝器款式周有七星洗漢有陽嘉洗宜子孫洗則皆
謂之洗明矣

輶注云俗字舊注音操蒼色飾車又音總義同又音早
車飾有華藻竝非

按周禮巾車藻車藻蔽鄭氏曰故書藻作輶杜子春
輶讀為華藻之藻字謂藻水草蒼色以蒼土墜車以
蒼繪為蔽也陸氏釋文輶音總又音藻

搯注云俗字

按特牲饋食禮膚三離肺一鄭注曰離猶搯也小而長午割之又既夕禮陳鼎五於門外其實羊左胖離肺注曰搯離搯苦圭反非俗也

擾注云舊注與猱同引樂記擾雜子女按樂記擾本作獫獫者擾之謠獫俗省作猱謂擾同猱非也

按樂記優雜子女鄭注曰優當作擾言舞者如獫狌戲也疏曰漢書檀長卿為獫狌舞是狀如獫狌也此

鄭注及孔疏皆誤也樂記優雜子女据哀二十五年傳公使優狡盟拳彌注曰優狡俳優也襄六年傳宋華弱與樂轡少相狎長相優注曰優調戲也正義曰二十八年傳稱慶氏之徒觀優至于魚里是優為戲名也優雜子女言俳優調戲雜于子女不必其為獼猴也鄭謂優當作擾蓋據長卿之舞而言耳古豈必有獼猴之舞哉至以擾為擾謠俗省作猱則小雅教猱升木豈俗字哉

靽注云靽字之譌舊注音摘柔革與靽義近改音祖靽
勒也誤

按曲禮君車已駕僕展軛陸氏曰軛歷丁反盧云車
軛頭靽也舊云車欄也又淮南子汜論訓靽蹻羸蓋
經營萬乘之主靽正非靽譌也

梧注云音悟相抵觸也逆忤也

按儀禮既夕禮曰若無器則梧受之陸氏曰梧吾故
反賈氏曰梧受之梧即逆也對面相逢受也梧又與

悟同天官書其人逢悟化言注云悟迎也又與輅通
史記晉世家虢射為右輅秦穆公服虔曰輅迎也索
隱音五稼反讀為訝鄒誕生音或額反讀為逆皆訓
為迎則逆受即逆受義當如逆女逆河之逆乃以為
逆忤謬矣

勑注云俗字舊注音柔忍也誤

按鄉射禮君國中射則皮樹中以勑旌獲鄭注皮樹
獸名以勑旌獲尚文德也又按勑與詔同見賈公彥

疏劄宜从刀作从刃非

聖注云音黃說文樂舞以羽劄自翳其首

按周禮樂師有皇舞注曰故書皇作聖蓋即古鳳字也
隋音樂志文舞六十四人十六人執聖十六人執帔
十六人執旄十六人執羽若汎以羽翻釋之執羽
執聖何所別乎

滑注云息有切內則滑髓以滑之又史倉公傳流汗出
滑說文滑息流切韻會讀脩又滑注云倉公傳流汗出

漚漚須倫切

按內則漚醢當息有切史記三王世家傳曰蘭根與
白芷納之漚中徐廣曰漚浙米汁也音先糾反此當
讀為息流切倉公傳流汗出漚漚者去衣而汗晞也
索隱曰漚劉氏音巡當作須倫切漚漚兩注並引倉
公傳非也史本作漚改漚為漚亦非也

麇注云音威鹿乾肉一曰鹿之美者

按內則切蔥若薤實諸醢以柔之鄭注曰今益州有

鹿殘者近由此為之矣陸氏曰殘於偽反益州人取
鹿殺而埋之地中令臭乃出食之名鹿殘後人因制
𧇵字當讀為威上聲音威非

走注云音綽說文乍行乍止也讀若公羊傳走階而走
按儀禮公食大夫禮曰賓栗階升不拜鄭注栗實栗
也不拾級而下曰走賈氏曰君臣急諫諍則越三等
為走說文乍行乍止之訓非

𧇵注云音楷𧇵短也又𧇵注云𧇵俗字

按野客叢談曰黃魯直詩矐矐金壺肯持送按莎殘
菊更傳杯注詩者但知引玉篇注矐短也矮不長也
不知此二字見春官附音注下謂矐矐上皮買反下
苦買反方言桂林之間謂人短為矐矐矐正作矮字
呼也今按典同陂聲高注現有矐矮二字不煩呼矐
為矮又曲禮共飯不澤手注澤謂按莎也黃魯直謝
楊景仁惠酒器詩矐矮按莎並用禮注据此矐當音
矮云音楷非

鼓注云音闕紙韻音鬼卷幘也儀禮緇布冠鼓舊本鼓
下贅項字與本經牴牾韻會鼓通作顙竝非

按儀禮士冠禮曰緇布冠鼓項青組纓屬于鼓鼓音
顙去藥反鄭氏曰鼓讀如有顙者弁之顙又按喪服
傳直經注曰首經象緇布冠之鼓項鼓下有項字蓋
經文也乃謂與本經牴牾何大謬也

幹注云音琴說文鞮也

按士喪禮幕用疏布繫用幹幕用葦席帶用幹鄭注

幹竹簍也賈氏曰按顧命敷重篾席即此幹簍也注引說文之鞮履非也

醋注云醯別名也說文以醋為醕醋字酢為酸漿今不從互見前酢注

按周禮大行人上公之禮廟中將幣三享王禮再裸而酢侯伯之禮一裸而酢諸子諸男之禮一裸不酢又司尊彝皆有鬯諸臣之所酢也詩大雅或獻或酢小雅萬壽攸酢易繫可與酌酢書顧命秉璋以酢孔

傳曰報祭曰酢此以酢為醕酢裸酢者經傳皆同而
許氏說文酢醕也倉故切醋客酌主人也在各切此
當日字之偶誤想是醋倉故切適誤寫酢耳徐炫疑
其說為之注曰今人以酢為酌酢字反以醋為酢時
俗相承之變也正字通不信經傳但云酢為酸漿今
不從謬矣禮運曰以為醴酪鄭注酪酢馐陸氏曰酢
七故反是酢亦有醋音非即為醋矣

率注云音律以竹為索用維舟舊注音率紉也帛也誤

又薛注云俗緯字舊注引爾雅緇絳也誤

按王藻士練帶率下辟鄭注率緯也士以下皆禪不合而緯積賈氏曰率下辟者士用熟帛練為帶其帶用禪帛兩邊緯而已緯謂緹緝也漢律曰綺絲數謂之絛又繒長者曰絛舊注以緯用禪帛而有繒采故云絛也帛也何云誤又緇絳也爾雅文何云俗

能注云與耐通晁錯傳胡貉之人性能寒揚越之人性能暑

按樂記人不耐無樂樂不耐無形形而不為道不耐
無亂鄭注耐古能字也後世變之此猶存焉

淒注云同渦舊注音阿渴也誤

按考工記慌氏凍絲以沅水漚其絲鄭注漚漸也楚
人曰漚齊人曰淒賈疏齊人曰淒者亦是漚義陸氏
曰淒烏何反又於偽反乃以為同渦非矣

硯注云懇去聲正韻石有痕曰硯

按周禮典同凡聲高聲硯注故書硯作硯杜子春讀

硯為鏗鎗之鏗陸氏釋文硯音艱又苦耕反字林音限無有作懇去聲者

揀注云揀字之謠舊注音董訓擊非佩觿集揀都公反打也不詳揀所自出訓打亦非

按周禮太祝辨九摯四振動鄭大夫曰動讀為董以兩手相擊也又郝萌天文訓曰河鼓一名提鼓一名天董是董亦擊鼓之義又郭璞注爾雅曰柷如漆桶有推柄連底桐之令左右擊桐平聲猶揀之都公切

也據此則揀之訓打良有自矣

鬯注云鬯主秬言則為秬鬯主鬱言則為鬱鬯或據禮記鬱合鬯蕭合黍稷之文謂鬯亦香草非也

按唐孔氏曰鬯者鄭氏之義則為秬黍之酒其氣調鬯故謂之鬯詩傳則謂鬯是香草王度記云天子鬯諸侯薰大夫蘭以例言之則鬯是草明矣又按禮緯云鬯草生庭孝經援神契云德及於地嘉禾生蓂莢起秬鬯出鬯是草故周禮有鬱人又有鬯人也

紂注云同緇檀弓紂衣注絲衣也又緇注云別作紂

按士冠禮純衣緇帶賈疏古緇紂二字並色若據布為色者則為緇字若據帛為色者則為紂字

鄭注云舊注鄭鄉又音皓邑名在南陽按漢志南陽縣三十六無鄭縣舊注沿篇海並非

按僖十一年左傳揚拒泉臯伊雒之戎杜注揚拒泉臯皆戎邑則臯為邑名也水經注澧水出南陽雒山又東與臯水合水出臯山則是臯鄉在南陽也後人

加邑作鄠舊注鄠鄉鄠邑初不云縣何為非

祁注云音原左傳秦人伐晉圍祁新城

按文四年傳晉侯伐秦圍祁新城杜注秦邑秦本紀
與魏戰元里正義曰祁城在同州澄城縣界祁秦邑
而晉圍之此云秦伐晉圍祁誤

闕注云弘農湖縣有闕鄉漢書譌作闕舊注唐志闕鄉
縣屬陝州潼關正作闕後漢建安中改作闕不詳考唐
志譌作闕建安中改闕為聞非改闕為闕潼關在陝西

今陝西二十一州無陝州名

按前漢武五子傳呂湖闔鄉邪里為戾園孟康曰閼
古闌字從門中曷建安中正作聞考諸書無作聞者
僅見此注則聞乃闌之譌耳後漢郡國志弘農湖縣
有闌鄉魏志衛覲字伯儒明帝封闌鄉侯則建安來
皆作闌未嘗作聞可知唐志弘農闌鄉有潼關亦未
嘗譌作聞可知明一統志閼鄉縣在陝州城西一百
三十里潼關在縣西六十里與陝西華陰分界乃謂

陝西無陝州何勞多此考索耶

鄧注云地名古今方域異名今廣陵無鄧邑舊注引續漢書汎云鄧邑亦非

按襄十四年楚子囊師于棠以伐吳後漢志廣陵堂邑故屬臨淮春秋時曰棠蓋楚之棠邑寰宇記六合古棠邑注不實指其地但云今廣陵無鄧邑混

鷺注云鷺鳥縣名後漢段熲傳熲復追擊於鷺鳥注鷺音鬱縣屬武威故城在今涼州松昌縣北

按頰傳永康元年當煎諸種復反合四千餘人欲攻
武威頰復追擊於鸞鳥大破之太子賢注曰鸞鳥縣
名今涼州不云音爵桓帝紀當煎羌寇武威段頰追
擊於鸞鳥注云鸞鳥縣屬武威郡鸞音藿鳥字不注
惟西羌傳麻奴等脅先零沈氏諸種寇武威馬賢追
到鸞鳥招引之注云鸞音爵鸞當是鳥之譌蓋桓紀
鸞字音藿則鸞鳥當讀為藿爵也古音餘鳥載藥韻
音朔漢縣名鸞鳥水經注音朔魏紀功碑牽龍荒遊

鸞翔與爵音近故也

邵注云魯叔孫氏邑在今東平須昌縣春秋仲孫何忌帥師圍邵說文不考經傳訓東平無鹽鄉非

按定十年侯犯以邵叛叔孫仲孫圍邵注不言所在昭二十五年臧會奔邵杜注邵在東平無鹽縣東南前漢志東平國無鹽縣有邵鄉說文本此乃謂其不考經傳何也又明一統志洪武八年以須城縣省入東平州今亦無須城縣也

邵注云譌字舊注邵亭名不詳所出不實指其地沿篇海誤邵注云音甫說文汝南上蔡亭

按禮緇衣云甫刑曰苗民逆命疏引孔注尚書云呂侯後為甫侯故穆王時謂之呂侯宣王及平王時為甫侯詩崧高云生甫及申謂宣王時也揚之水不與我戍甫謂平王時也据竹書紀年穆王五十一年作呂刑命甫侯于豐則穆王時已稱甫侯矣郡國志汝南新蔡有大呂亭說文酈汝南上蔡亭酈亭即邵亭

也

鄴注云說文南陽鄴縣漢志作穰音義同

按漢志馮翊雲陽縣有越巫船鄴祠三所孟康曰船音辜鄴音穰蓋別有鄴字也

鄴注云音增如姓禹後襄元年伐鄭次于鄴杜注陳留襄邑東南有鄴城舊注音情非韻會引穀梁傳作繪今沂州承縣東繪國亦非

按漢志東海繪縣故國禹後後漢縣屬瑯邪晉因之

故僖十四年季姬及鄆子遇于防使鄆子來朝杜注
鄆國今瑯邪繒縣在今嶧縣東者也襄元年諸侯之
師次于鄆杜注鄭地襄邑東南有鄆城在今睢州之東
南者也何乃以鄭之鄆為鄆國而又以承縣之繒國
為非耶

邱注云說文魯孟氏之邑左傳隱元年衛師入邱

按隱五年衛師入邱杜注邱國也東平剛父縣西南
有邱鄉莊八年師及齊師圍邱邱降于齊師者也此

邾國也桓六年公會紀侯于邾杜注邾魯地在泰山
鉅平縣東南此魯之邾邑後為孟氏邑者也何得混
之

郟注云國名說文東海縣六書故曰少昊後己姓國今
為淮南下邳縣

按漢志東海郟縣故國少昊後春秋襄十年郟子來
朝是也今為沂州郟城縣漢志東海下邳縣應劭曰邳
在薛其後徙此昭元年傳商有妫邳杜注二國商諸

侯邳即今下邳縣是也今為淮安府邳州安得一之
邳注云舊注音經鄉名在高密左傳戰于升陘又音形
按傳有井陘無升邳別見陘注

按禮檀弓曰邾婁復之以矢蓋自戰于升陘始也春
秋僖二十二年秋八月丁未及邾人戰于升陘我師
敗績邾人獲公胄懸諸魚門杜注升陘魯地陘音形
何謂左傳無升陘也又史記淮陰侯傳欲東下井陘
擊趙漢書地理志常山郡有井陘縣應劭曰井陘山

在南陘音刑左傳無也

鄧注云音了國名穀梁傳楚滅舒鄧長箋隨絞州鄧四國名鄧國在義陽亦作蓼今考南陽無義陽箋誤

按宣八年傳楚為衆舒叛故伐舒蓼此舒蓼蓋群舒之屬也桓十年鄆人軍于蒲騷將與隨絞州蓼伐楚師杜注蓼國今義陽縣東南湖陽城漢志南陽湖陽縣故蓼國師古曰左氏傳作颺字者也水經注曰關駟言晉太始中割南陽東鄙之安昌平林平氏義陽

四縣置義陽郡乃謂南陽無義陽非矣

茝注云音生魯地名

按莊九年殺子糾于生竇杜注生竇魯地史記齊太公世家殺子糾於生竇賈逵曰魯地句瀆也宣十八年子家還及茝杜不注即生竇也茝穀梁作揜無有从艸作茝者注以茝為魯地誤

御注云舊注音牙縣名無據故紀侯邑部音吾地志允吾音鉛牙御即部吾二文之謠宜刪

按漢志左馮翊有衙縣衙音牙師古曰即春秋所謂秦晉戰于彭衙即衙也以爲郃吾二丈之謫非

鄭注云音真地名

按史記景惠間侯表南鄭侯國索隱曰韋昭音真一音程李彤云河內有鄭亭音穎

鄆注云烏古切左傳王取鄆劉爲邾之田于鄭杜注緱氏西南有鄆聚又魏獻子分羊舌氏之田爲三縣司馬彌牟爲鄆大夫說文鄆太原縣

按左傳分祁氏之田以為七縣注曰七縣鄆祁平陵
梗陽塗水馬首孟也分羊舌氏之田以為三縣注曰
銅鞮平陽楊氏也今云分羊舌氏之田為三縣彌牟
為鄆大夫不審鄆非羊舌氏邑也其誤甚矣又按九
經釋文曰鄆地名在周者烏戶反在晉者於庶反字
同而音異也

鄆注云音蹺說文鉅鹿縣名舊注豫章有鄆陽縣因篇
海而誤訂正篇海云縣在鄆陽今鄆陽屬饒州無鄆陽

也

按漢志鉅鹿有鄆縣師古苦么反豫章有鄆陽縣師古口堯反今云舊注誤分為二非蓋前志鉅鹿之鄆後志作鄆非鄆即鄆也至謂豫章無鄆陽疏漏甚矣邦注云音類邦陽縣今屬衡州府省作耒隸桂陽州者嘉禾臨武藍山也說文屬桂陽誤

按漢志桂陽郡統縣十一耒陽縣第五師古曰在耒水之陽也梁始置衡州明始以來陽屬衡州府說文

安得豫知之而以為誤

邢注云音形國名一作邢說文𡗗周公子所封近河內
懷汧聲𡗗鄭地𡗗亭并聲分𡗗𡗗為二地非舊注从井
與从汧別郭忠恕分邢邢為二亦非

按穆天子傳天子北入于邠與井公博三日而決郭
注曰邠鄭邑也疑井公賢人而隱邠故穆王與之遊
戲也鄭地有邢亭从井聲者是也隱五年曲沃莊伯
以鄭人邢人伐翼杜注邢國在廣平襄國縣今順德

府邢臺縣周公子所封从开聲者是也乃謂邢與邢不當分而為二者謬矣又按宣六年赤狄伐晉圍懷及邢丘杜注邢丘今河内平臯縣此晉地也說文以為周公子所封亦謬

汪注云枉平聲左傳尸諸周氏之汪又音往汪陶縣在鴈門

按文二年傳晉伐秦取汪及彭衙而還汪烏黃切史記晉世家秦取晉汪以歸索隱曰汪不知所在羅泌

路史汪秦邑同州白水有汪城在臨晉東又國語汾河涑澮以為淵戎翟之民實環之汪是土也注曰汪大貌烏黃切皆平聲也漢志鴈門涇陶縣孟康音汪後志作汪陶不當又音往也

萩注云音秋爾雅蕭萩郭注即蒿左傳伐雍門之萩今溷讀萩萩與萩非同類也

按襄十八年傳趙武及秦周伐雍門之萩注曰萩音秋史記貨殖傳山居千章之材徐廣曰材漢書作萩

樂彥云萩梓木也左傳雍門之萩當即是梓木若爾
雅蒿萩何以稱伐

彊注云音衛左傳是彊言也注謂言不足信也

按哀二十四年傳是彊言也注戶快反讀為蹟與蹶
通爾雅蹶洩苦棗吳淑棗賦遵羊今彊泄注引爾雅
云彊泄苦棗是彊與蹶通也

脩注云音場爾雅葦蕪一名葦脩即葦字舊注苗脩草
無據

按爾雅釋草有條脩又有苗脩脩音場何云無據又
養蕪一名須改須為脩亦非

狗注云狗字之譌舊注改音姤熊虎之子誤

按爾雅熊虎醜其子狗郭注曰律曰捕虎一購錢三
千其狗半邢昺曰此當時之律引之以證虎子名狗
之義也狗之為狗如貓之為貓豺之為豺乃以為狗
字之譌謬矣

蔓注云音蔬萊蔓椒子聚生成房貌集韻藪作蔓非

按爾雅椒掇醜菜郭注曰菜莢子聚生成房貌今江東亦呼菜掇似菜莢而小赤色今誤以莢為蔓而音疏謬矣春秋繁露曰水有變冬濕多霧春夏冰雹此法令緩刑罰不行挾之者憂囹圄按奸宄誅有罪蔓五日是蔓與菟同也蓋治兵曰菟左傳大菟于比蒲是也

魴注云焚上聲魴別名爾雅魴魴說文魴魚名出葦邪頭國又魴魴也按說文魴用魴訓魴汎云魚名後先矛

盾況鰕江海所在皆有之非必出葦邪頭國說文誤長
箋鰕前行張二掌有分勢故从分亦不辨說文紛別訓
魚名之誤舊注兩引爾雅說文失考正

按爾雅釋魚鰕凡有三一曰鯪大鰕郭注鰕大者出
海中長二三丈鬚長數尺今青州呼鰕魚為鯪廣州
記曰盧循為刺史循鄉人至東海取鰕鬚長四尺送
示循是也一曰鯪大者謂之鰕邢昺曰鯪雌鯪也大
者長八九尺別名鰕是也一曰紛鰕郭注出葦邪頭

國見呂氏字林漢志樂浪郡有邪頭歲縣歲即穢邪
頭國蓋穢種也漢以為縣魴魚一名鰕即縣所出者
是也詩魯頌有駟有駟陸氏按說文駟赤白雜色文
似鰕魚則是魴鰕為魚名出歲國者非謂所在皆有
之鰕也焦氏易林鯉鮒鰕積福多魚張融海賦伏
鱗清綵并魴洗文亦皆以魴鰕為魚名也山海經龍
魚陵居狀如鯉一曰鰕注曰鰕音遐梁虞荔鼎錄宋
文帝得鰕魚遂作鼎曰鰕魚四足鰕之名魚者正多

何乃以說文魴鰕魚名為誤長箋解魴字尤屬支離
鐱注云舊注音韋畱也宋魏謂畱曰鐱或曰說文銳畱
也因聲近譌作鐱畱無鐱名

按爾雅廁謂之𪔐邢昺疏曰方言燕東北朝鮮洌水
之間謂之廁宋魏之間謂之鐱或謂之鐱江淮南楚
之間謂之畱鐱音韋何謂畱無鐱名

戴注云音次蛄蜥別名說文戴毛虫俗因加虫作蚝从
戴為正

按爾雅蝱毛蠹注曰即蝱疏曰說文蝱毛蟲楚辭蝱
緣兮我裳是也又蝱蛄蝱注曰蝱屬也陶真白曰蛄
蝱蝱蟲也則蝱乃蝱之別名與蛄蝱同為毛蟲之屬
而非蛄蝱別名也又按晉書苻堅傳益州刺史王廣
遣將軍王蚝率蜀漢之衆來赴難又袁瑾在壽春為
桓溫所圍求救於堅堅遣王鑒張蚝率步騎二萬救
之又周書本紀太祖令夏州刺史拔也惡蚝鎮南秦
州非必因許氏毛蟲之說而乃加蟲作蚝也

鶴注云舊注音途鵲鶴又鶴鳩按爾雅本作鵲鳩無鶴名

按爾雅有輿鵲鶴音經鶴音徒新舊注皆不引何也

祐注云與襜通衣動貌

按爾雅衣前蔽謂之襜郭注今蔽膝也昌詹切國策蘇子曰攻城之費百姓理襜蔽注曰襜衣蔽前者也漢書恩澤侯表武安侯田恬元朔三年坐衣襜褕入

宮不敬免師古曰襜褕直裾裨衣也方言縷謂之衽
又謂之衽郭注丁狹切即衣衿也烏在衽與襜通而
同為衣動貌也

蓐注云蓐蓐同

按爾雅蓐沈藩注一名萁母生山上音潭又蓐海藻
注一名海羅生海中音蓐又本草圖經蓐麻一名毛
蓐李時珍曰蓐字本作蓐杜子美有除蓐草詩墨莊
漫錄川陝間惡草土人呼蓐麻蓐音爛即蓐麻也一

統志尋麻嶺在萬全都司懷安衛城北八十里楊士
奇詩平生不解談孫武也到尋麻嶺上來三字音義
本不同烏得一之

茶注云鋤麻切茗也宋魏了翁曰茶之始其字為荼如
春秋書齊荼前漢志長沙茶陵縣顏陸諸人雖已轉入
茶音未嘗輒改字文徐鼎臣訓茶猶曰即今之茶也惟
陸羽盧仝則遂易茶為荼

按爾雅攢苦荼郭注樹小如梔子早采者為茶晚取

者為茗一名薺蜀人名苦茶本草蘇恭曰爾雅檟苦
茶茶音遲遐切蓋茶即茶之省文茶原有茶音也漢
志茶陵顏注茶音弋奢反又犬加反東方朔傳令壺
齟老柏塗顏注塗音犬加反是塗茶皆有茶音如大
家之家乘車之車全在麻韻不煩改字也周禮茶人掌
以時聚茶茶人即茶人耳又古者已有茶字不始於
盧陸諸人据王褒僮約烹茶盡其舖傳吳七誨南中
茶子左思嬌女詩心為茶薺劇吳志韋曜傳或賜茶

并以當酒又楊羲書比更告茶一部劉琨與兄子衍書吾體中潰悶常仰真茶王羲之鄣茶帖節日縈牽少睡鄣茶微炙善佳皆已作茶字矣

𧈧注云俗字𧈧𧈧本作尺六書別作𧈧非

按爾雅𧈧𧈧方言𧈧𧈧謂之𧈧𧈧早有𧈧字又唐志寫鳳都督府以𧈧延國羅爛城置亦作𧈧

鷄注云音耀小於鷹爾雅鷄雉青質五采莊子鷄為鷄為布穀久復為鷄舊注又音姚雉名分莊子之鷄與爾

雅之鷄為二非

按爾雅鷄雉注音遙邢昺曰鷄雉王后之服以為飾
周禮掄狄鄭注掄狄畫搖者是也搖與鷄音義同云
爾雅鷄貝雀注鷄鷄也善捉雀鷄音耀列仙傳魏公
子無忌縱鳩令出鷄逐而殺之者也爾雅之鷄已分
為二安在與莊子之鷄不當分為二乎

鰩注云鰩別名又魚鰩曰鰩鰩南史宋明帝嗜蜜浸鰩
鰩一啖數升本草綱目云鰩鰩魚鰩也即魚白膠此說

是也

按爾雅鰕是鰕注鰕腊魚也體似鰕尾似鮑魚大腹
少肉多膏又鮎魚注鮎別名鯢江東通呼鮎為鰕爾
雅翼鰕魚偃額兩目上陳身滑無鱗宋明帝所嗜逐
夷疑取此兩魚鰕白為之非魚腸通謂之逐夷也

敕注云俗字舊注音乳黏也又音女並非勑注云勑字
之譌舊注同勑非說文勑重文贅作勑亦非

按爾雅勑膠也郭注膠黏勑勑女乙切疏曰方言齊

魯青徐自闕而東或曰勑或曰敕今以為非皆謬說也

蚊注云舊注音府蛄蚊螳螂別名按螳螂名拒斧蛄即拒之謠蚊即斧之謠篇海類編又作釜引爾雅權輿釜守瓜不知爾雅本作父改作釜非

按爾雅不周王蚊蚊字見此非斧之謠也又景差小言賦曰戴氛埃兮垂漂塵體輕蚊翼形微釜鱗經由鍼孔出入羅巾釜字自古有之非後人所改

狗注云音吼牛鳴

按爾雅牛屬其子犢郭注今青州呼犢為狗云牛鳴
非

蚋注云蚋字之譌舊本鼠部蚋音豹今蚋訓鼠改音的
非

按爾雅蜚馬蜚注曰馬蠲蚋俗呼馬蜚疏曰蜚蟲一
名馬蜚一名馬蠲蚋方言云馬蜚北燕謂之蛆蜚其
大者謂之馬蚋蜚音閑蚋音逐安得以蚋為蚋之譌

乎





管城碩記卷二十二

欽定四庫全書

子部

管城碩記卷二十四

詳校官中書臣徐志晉

員外郎臣牛稔文覆勘

覆校官中書臣方大川

校對官中書臣王璵

謄錄監生臣唐淮

欽定四庫全書

管城碩記卷二十三

翰林院檢討徐文靖撰

正字通三

聃注云舊注音二以牲告神神欲聽之曰聃按詩神之聽之與上帝鑒觀借義同未聞以神聽別作聃者此謬說也宜刪

按山海經自檄蠡之山以至於竹山其神祠毛用一大祈聃用魚郭注曰以血塗祭為聃也公羊傳云蓋

扣其鼻以聃社音釣餌之餌今按公羊傳蓋扣其鼻以血社不云聃也唯穀梁傳云叩其鼻以餌社也餌音二則聃餌音義同也

麇注云麇字之譌舊注音諸鹿類誤

按山海經教岸之山有獸焉其狀如白鹿而四角名曰夫諸玄覽作夫麇

樻注云木名山海經煮其汁味甘可為酒六書故棧亦作樻

按天中記云櫛汁甘為酒齊民要術沈約集皮日休
集皆有櫛酒今山海經無是文究未知櫛為何木惟
謝靈運山居賦苦以木成甘以櫛熟自注云木酒味
苦櫛酒味甘並至美兼以療病櫛治癰核木治痰冷
六書故亦作櫛爾雅還味櫛棗是櫛酒取櫛汁為酒
也

跬注云俗字舊注沿篇海誤

按山海經跬隅之山其上有草木多金玉多赭郭注

踰音敏

桐注云音周木名

按山海經虎首之山多苴桐据郭注桐音彫

岵注云同岵音困山相連貌南都賦或岵嶙而纚縣

按山海經有人曰苗民有青獸如兔名曰菌狗注音
如朝菌之菌駢雅菌狗兔屬也自有菌字非岵也

欤注云與矧同舊注分欤矧為二非

按山海經涿山西七十里曰丙山其木多梓檀多欤

杻欤與矧當不同也

梧注云邦去聲說文稅也稅即今木杖通雅曰楊升菴謂文子羿死桃部古字部即梧大杖也

按淮南子說山訓羿死桃部不給射高誘注曰桃部地名羿為逢蒙所殺不及攝已而射又帝王世紀寒浞殺羿於桃梧而烹之以食其子皆以桃部為地名謂部梧為古今字而引之以證部為大杖謬矣

鈴注云鈴字之譌舊注音鈴蟹距又音琴蟲名並非

按淮南子說林訓昌羊去蚤虱而來蛉窮誘注曰昌羊昌蒲蛉窮蟲蜒入耳之蟲也

姚注云俗字舊注音姚光也誤

按淮南子要畧曰挾日月而不姚潤萬物而不耗誘注挾至也姚音姚光也

螻注云舊注音聰蜻蛉也按淮南子水蠱為螻螻注音矛務蜻蛉也本草綱目譌為螻六書故水蠱為蛸並未詳淮南本作螻螻非獨舊注誤也

按淮南子齊俗訓水蠱為螻蛄注音矛務又說林訓水蠱為螻蛄子為蚤兔齧為蠶注云螻音聰子音庶蠶音那為螻蛄皆見淮南子

菌注云音郡朝菌生糞土上朝生暮死又曰歛生芝司馬彪注莊子曰朝菌大芝也一名日及不知謹名日及朝菌非木槿溷為一物誤

按淮南子道應訓莊子曰朝菌不知晦朔螻蛄不知春秋誘注曰朝菌朝生暮死之蟲生水上狀似蠶蛾

一名孽母海南謂之蟲邪据此則從來謂芝菌者皆
謬蓋朝菌蟪蛄皆小蟲也而有知若芝菌又何知乎
又按晉潘尼朝菌賦序朝菌者蓋朝華而暮落世謂
之木槿或謂之曰及詩人以為舜華尼以為朝菌是
木槿謂之曰及又謂之朝菌非生糞土者也又按玄
中記大月氏有牛名曰曰及割取肉一二斤明日創
愈豈必朝槿始名曰及哉

創注云同所郎果切音螺說文柯擊也

按淮南子原道訓耳聽滔朗奇麗激拵之音誘注朗
音朗激揚拵轉皆曲名又新而不朗久而不渝注曰
朗明也魏都賦或飀朗而拓落潘岳射雉賦畏映日
之儻朗皆以明朗為義後魏書司馬叡傳王敦使司
馬楊朗等入於石頭南齊書蕭景先傳義陽人謝天
蓋與虜相構扇豫章王遣蕭惠朗二千人助景先討
之朗與朗音義同也注音螺謬

檼注云鄰上聲檼木堅實一名檼廣雅檼砌也舊注門

限並非

按淮南子汜論訓枕戶構而卧者鬼神蹠其首誘注
構音蘭又與鞣同說林訓雖欲謹亡馬不發戶鞣注
曰鞣戶限也

漈注云俗字舊注音繁汎云水名又水暴溢並非

按淮南子俶真訓今夫樹木者灌以漈水疇以肥壤
誘注漈音繁波暴溢也又郭璞江賦澄之以漈瀝注
楚人謂水暴溢為漈

埤注云舊注音呼引玉篇埤埤按玉篇埤訓郭此云埤
埤未詳

按淮南子要略曰倣真者窮極終始之化羸埤有無
之精注曰羸繞匝也埤音呼靡煩也埤埤羸埤蓋即
彌綸之義也

醴注云昂上聲說文濁酒也醴同醴俗省

按淮南子說林訓清醴之美始於耒耜誘注醴音菴
清酒也引說文訓濁誤

廬注云俗字杯或作栳匡环盃改从麻非

按方言案陳楚宋魏謂之檣杯秦晉曰盃吳越間曰盃齊若平原以東或謂之廬栳非盃字改从麻也又孟光舉案齊眉當即方言之所云案曰檣杯曰盃是也楊用修以為几案誤矣

鉞注云音蛇說文短矛舊本矛部施即鉞重文復從正
譌音施分鉞鉞為二誤

按方言矛江淮南楚五湖之間謂之鉞此則音蛇者

也實錄自古皆有革帶反插垂頭唐高祖令向下插
垂頭取順下之義名鉈瓦此乃音施者也何謂無分
甕注云俗字罌瓶不當別名甕瓶注云舊注音耽大罌
又音沈罌之小者一罌分二體此不通物理強生分別
之誤也瓶為俗字無疑

按方言罌靈桂之郊謂之甌其小者謂之甌秦之舊
都謂之甌江湖之間謂之甌郭注甌都感反甌仕江
反

甌注云譌字甌不必別名甌

按方言瑩陳魏宋楚之間曰甌或曰甌燕之東北朝鮮洌水之間謂之甌郭注甌音暢

甌注云俗譌字

按方言磴謂之甌郭注云且對反

甌注云譌字一曰甌為甌舊注音策正也又音嗔義同並非

按彝器款式周有史甌父鼎其銘曰史甌作朕皇考

釐仲王母乳母尊鼎頤其萬年多福無疆頤从正當
讀為正頤頤皆頤之譌

妣注云媼字之譌媼無出音舊注音媼誤

按齊侯鐘銘不顯穆公之孫其配夔公之妣薛尚
功曰妣字書無從出恐是姪字姪音乏女好貌是妣
非媼譌也

子注云舊注古文孫崔伯渠曰二其子也子之子也按
孫非止二其子也改作子非

按周乙公鼎銘曰乙公作尊鼎子孫永寶用圓鼎銘
曰惟十有三月用吉金自作寶鼎其子孫永用享王
子吳鼎銘曰其眉壽無諶子孫永保用之子即兩子
字猶言子子孫孫也崔以為一字誤矣

異注云音杞說文長踞也舊注又音起與杞同古國名
並非

按異公匜銘異公作為子叔姜盥匜薛尚功曰異者
古國名衛宏云與杞同

但注云音異說文婧也長箋但人猶言具員是婧也

按齊侯鐘銘但小臣唯輔咸有九州處禹之都但小臣者是亦具官之義也

葢注云音登篇海金葢草又苦芋本草綱目作苦葢

按國語葢笠相望於艾陵唐固曰葢夫須也

漱注云同渴舊注引正譌从漱廢渴泥

按國語秦后子謂其徒曰趙孟忼日而漱歲偷怠甚矣韋昭曰忼偷也漱遲也宋庠音口曷切若以為渴

歲則當與隱三年公羊傳渴葬也義同何休曰渴喻急也又何以激為遲乎

跲注云俗字舊注音祥趨行也按曲禮少儀皆借翔俗作跲今不從

按國策楚王遊於雲夢有狂兕跲車依輪而至鮑彪注曰集韻跲音詳趨行也跲與戕義同非翔字俗作跲也

嚙注云舊注音魯引玉篇語也釋梵呪多嚙字六書不

載

按焦氏易林鳥嚙夜中以戒災凶嚙亦古字六書不載遺之也

輞注云輞字之譌舊注訓同轟非輞注云俗字舊音疊車聲誤

按焦氏易林輞輞輞輞歲暮偏敝寵名復棄君衰於位二字非譌俗也

僭注云同滕說文作僭富也

按春秋繁露春之為言猶傖傖也秋之為言猶湫湫也傖傖者喜樂之貌也湫湫者憂悲之狀也謂傖同
睹非也

邲注云譌字胴注云譌字

按尤射曰邲俊民于是誦太史胴采作尤射二字亦
非譌也

庾注云音來舍也又地名蜀地有庾降

按華陽國志庾降賈子左擔七里酈元若水注引之

朱謀瑋曰庾降屯名也又蜀志先主命李恢為庾降都督使

獾注云譌字舊注獸名獸屬無獾

按常璩巴志涪陵諸縣北有獾獠隋書地理志梁州傍南山雜有獠戶又有獾獠蠻實非譌字也

梠注云本輶字舊注引正譌不當別作輶誤

按唐書諸羗州百六十八有梠眉州梠林州說文舊有梠字非本為輶也

飭注云飭字之譌舊注同飾舉要飭同飭並非

按唐書地理志飭州屬靜邊州都督府飭字从芳非
飭之譌也

鰓注云譌字舊注音懈魚名泥

按唐志嶺南有鰓州隸邕州都督府

綢注云俗字說文稠多也舊注引玉篇綢大也多也與
稠義相近改音凋非

按唐書南蠻傳邛黎二州之東有凌蠻西有三王蠻

疊甕而居號綢舍綢音周非俗字也

困注云舊注音迷地名按即胃字地名本作麓

按屈原九歌菊芳椒分咸堂朱子注曰菊古播字本作困一作播新舊注皆謬

稅注云同秬說文秬直加反俗作秬稅舊注秬當故切漢侯國名稅都故切孝昭時所封國名前後異同蓋未詳秬本作秬稅與稅皆秬字俗書之譌

按漢志濟陰稅縣孟康音妬史記將相年表孝武後

元二年九月己巳都尉金日磾為車騎將軍稅侯孝
昭始元元年九月日磾卒前漢書功臣侯表稅敬侯
金日磾以發覺侍中莽何羅反侯始元二年丙子封
一日薨据孝昭本紀始元元年九月丙子車騎將軍
日磾薨與史記同則是始元二年二字誤又按佞幸
傳孝昭時駙馬都尉稅侯金賞嗣父爵為侯師古曰
稅音丁護反稅與稅本一字也田藝衡同文舉要曰
孝經宅作尾是也史漢兩表及志傳皆作稅字無有

作秬者聘禮十稷曰秬四百秉為一秬周禮掌客車
禾三秬陸氏釋文秬丁故反或宅加反蓋秬有妬音
非謂稅即秬也漢西域傳曰皮山國西南至烏秬國
鄭氏秬音拏師古秬音直加反則讀秬為妬亦釋文
之單說矣何謂秬與稅皆秬字俗書之譌耶

涪注云孤烘切音宮縣名在酒泉

按前漢地理志後漢郡國志酒泉郡有樂涪縣無涪
縣涪注云音宮已引漢志是矣此又云涪縣音宮在

酒泉謬

惇注云俗字

按唐書王難得傳從哥舒翰擊吐蕃至積石虜吐谷
渾王子悉異叅及悉頰藏而還復收五橋拔樹惇城
進白水軍使何得以惇為俗字

杞注云同忌舊注音改又音海訓恃也兩誤

按唐書地理志党項州七十三有杞州自不當與忌
同

公城西又北重源潛發世謂之落里坑河水注曰七里澗在陝縣西七里谷水自南山通河亦謂之曹陽坑浪水注云南海郡昔治在今州城中入城東南偏有水坑陵是水經皆作坑未嘗作坑也史記貨殖傳猗頓用鹽鹽起正義曰河東鹽池中又鑿得鹽坑豈盡為坑之譌乎

鮑注云譌字

按前漢書景十三王傳長沙定王發薨子戴王庸嗣

二十七年薨子頃王鮒鮒嗣服虔曰鮒音拘師古曰
鮒音胸鮒正非譌字

慢注云舊注音受漢武安侯慢按史田蚡子梧國除外
同姓異姓王子侯恩澤侯功臣侯皆無武安侯名慢者
舊注人名無稽

按前漢書王子侯表武安侯慢楚思王子孝哀帝建
平四年三月丁卯封元壽二年坐使奴殺人免師古
曰慢音受又恩澤侯表田蚡子恬元朔三年免云梧

亦非

陷注云舊注音格人名前漢功臣表幾侯張陷按高祖功臣侯者一百四十三史記表無陷名

按前漢書景武昭宣元成功臣表幾侯張陷以朝鮮王子漢兵圍朝鮮降侯師古曰陷音格又音各乃謂無陷名何也

猺注云俗𪔐字

按彝器款式周有叔猺敦其銘曰叔猺生作尹姑尊

敦薛氏曰叔猶生者叔伯仲之序也猶則其名耳豈
為俗鰲字耶

翎注云翕又人名漢有侯翎

按漢張騫傳傳父布就翎侯李奇曰布就字也翎侯
烏孫官名也西域傳冒頓單于攻破月氏乃遠去西
擊大夏而臣之其餘不能去者保南山羌號小月氏
共稟漢使者有五翎侯一曰休蜜二曰雙靡三曰貴
霜四曰盼頓五曰高附師古曰翎即翕字唐書地理

志有五劔州蓋取此為名耳舊注誤以侯劔為人名
今獨因之而不改何也

鉗注云音堅莊子求鉗鍾也以束縛鉗與劔別莊子宋
鉗即孟子宋牼郭象注讀鉗為堅而鉗鍾讀為劔誤鉗
無形音舊注又音形非

按穆天子傳至於鉗山之下郭璞注曰鉗音邢何謂
無形音也荀子曰其持之有故言之成理足以欺惑
愚衆是宋鉗也楊倞注曰宋鉗宋人孟子作宋牼

與鉞同口莖反又昭二十年左傳華掙陸氏釋文曰
掙苦耕反是鉞與掙皆有形音矣

簡注云簡蘭草又姓史淮南厲王傳中尉簡忌簡姓之
簡姓譜音簡舊注音姦非

按前漢書夏侯勝從始昌受尚書及洪範五行傳後
事簡卿師古曰簡姓卿名音姦

噤注云音耨羌別種漢書有連索噤種舊注改音辱非
按前書馮奉世傳今發三輔河東弘農越騎迹射飲

飛穀者羽林孤兒及呼速紮噉種劉德曰噉音辱羌
別種也匈奴傳前所得西噉居左地者孟康曰噉音
辱匈奴種也小顏音奴獨反是噉皆音辱也又呼韓
單于未至噉姑地小顏注噉乃穀反蓋噉有去入兩
音音耨者乃地名也匈奴傳呼速紮溫敦注曰呼速
紮者其官號也宣帝紀有呼速紮單于可證今去一
呼字非謂噉不當改音辱亦非

櫟注云俗桀字正韻櫟注唐有趙櫟憲宗時為振郵使

按唐人以櫟命名亦誤用俗字櫟為桀之重文刪櫟可也

按唐書蘇子從傳累遷汾州刺史徙濮州儲粟二萬斛以備凶災於是山東大水詔右司郎中趙櫟為振卹使櫟表其才擢將作監乃謂其誤用俗字真臆說也

蛭注云舊注蚩蛭黃帝臣又蚩蛭旗按尚書注呂氏春秋天文志未有作蚩蛭者

按周禮肆師注鄭康成曰禡師祭也祭造軍法者其神蓋蚩虬云又宋祁景祐集韻蚩尤作蚩虬此二處皆作虬字

𢇛注云音訕說文惡健犬也

按王莽傳故呼韓單于稽侯𢇛累世忠孝師古曰𢇛音刪又音先安反今𢇛無平音非也

𢇛注云音茂又音謀舊注引王逸九思進慕兮九旬復顧兮彭𢇛𢇛今本作務按九思逢尤篇注彭咸務光古

介士務一作牟古務雖與牟贅通改為贅非

按後漢書張衡應問曰於心有猜則簋飧饌鋪猶不
屑餐旌贅以之太子賢注曰爰精贅餓人也一作爰
精目列子東方有人焉曰爰精目將有適也而餓於
道狐丘父之盜下盤飧以舖之爰精目三舖而後能
視曰吾義不食子之食也兩手據地而歐之遂喀喀
而死之也注者不知改贅為務以致與務相似而譌
也今反譏舊注改為贅則非矣

吞注云舊注音桂又正韻箋注晉有吞道元楊用脩作吞讀天按六書畧論創意曰炅吞炅三字乃秦博士桂真之後避地各撰其姓之文三字臆造不足存

按後魏書高吞傳吞字明珍有器尚拜朝請散騎侍郎則吞字之義訓明可知又前漢書王子侯表徐鄉侯劉炅師古曰炅音桂儒林傳許商號其門人齊炅欽幼卿為文學師丹傳博士申咸炅欽上書言丹經行無比蘇林曰炅音桂又按孔子閒居引詩云先君

之思以勗寡人鄭氏曰此衛夫人定姜之詩也陸德
明曰此是魯詩毛詩為莊姜疏曰與詩注不同者按
鄭志吳模云注記時質就盧君後得毛傳乃改之據
此是有吳姓也吞炁吳三姓古昔應有是字顧疑為
臆造不足存耶楊用脩讀吞為天蓋以諸書記有吞
道元與吞公箋又有劉穆之與天公箋乃致斯疑不
知吞與天皆為吞之譌耳

寘注云譌字舊注音桓引玉篇汎云周地名誤考地理

志闕寔

按彝器款式周有師寔鼎銘曰師寔父作季姑尊鼎
又有師寔父簋有姬寔豆又有簠蓋銘曰姬寔毋据
此寔正非譌字又按寔即寔古今字也

議注云音意正也又古儀字本作議

按唐書公主列傳憲宗第四女宣城公主下嫁沈議
議字僅見此

晉注云晉之譌辯俗作晉舊本改从功非

按唐書牛仙客傳帝欲用仙客力士曰仙客本胥吏
非宰相器帝忿然曰朕且用康訥蓋恚言也有為訥
言者訥以為實喜甚訥从功非訥譌也正字通於訥
字注引史作康訥誤

脊注云舊注古慎字引史趙割地和秦虞卿曰王脊勿
予按說文作脊正韻古亦作脊从目从肉此皆義之可
疑者雖宋孝宗名脊載在史籍必以脊脊為古文慎則
固也

按表記君使其臣得志則慎慮而從之陸氏釋文曰
慎本亦作古春字漢書武帝詔海外肅春師古曰周
書序云成王既伐東夷肅春來賀即謂此魏書李彪
傳唐典篆欽明之冊虞書銘春徽之篇徐陵文肅春
茫茫風牛南偃梁元帝謝賜綬啟便覺肅春非遙挹
婁無遠隋書何妥傳時人為之語曰世有兩雋白楊
何妥青楊蕭春唐書宰相世系表楊崇禮戶部尚書
子春餘春矜春名本傳作慎表又有趙郡李叔春次

子游道相武后藝文志有平貞春撰孝經義北史有
夏侯道遷次子夏侯春唐詩人有劉春虛開元時為
為夏縣令春古慎字無疑也余長子春樞亦用古慎
字也

狎注云補買切音擺說文短脰狗

按昭十三年左傳蔡公使須務牟史狎先入杜注須
務牟史狎楚大夫蔡公之黨也陸氏釋文狎音皮皆
反今作上聲無平聲非也

檣注云音戕嬭婦官漢王昭君名嬭舉要同文鐸檣同嬭非又木部檣注云檣船帆也舊注元帝賜單于王檣為閼氏誤

按前漢書元帝紀竟寧元年春正月匈奴呼韓單于來朝詔賜單于待詔掖庭王檣為閼氏後漢書南匈奴傳昭君字嬭則是前書作檣非誤也

祝注云音祝漢郇越死莽太子祝以衣衾

按前書鮑宣傳郇越郇相同族昆弟也並舉州郡孝

廉茂才越散其貲千餘萬以分施九族州里志節尤高相王莽徵為太子四友病死莽太子祝以衣衾此郇相事也云郇越誤

隼注云同觸晉記載李特傳馳馬追擊隼倚矛被傷注隼古觸字

按晉載記李流傳流率蕩雄攻常深柵尅之追至成都蕩馳馬追擊隼倚矛被傷非李特傳也又淮南子齊俗訓鳥窮則啄獸窮則隼高誘注曰隼音觸

姓注云才何切說文諺疾也長箋女不雜坐依女寓戒也舊注安也又少貌誤

按穆天子傳天子乃殯盛姬於穀丘之廟王女叔姓為主注曰叔姓穆王之女也音癰痊姓訓安及少貌者是

伶注云舊注音黔伶伴古樂人按古樂人伶倫榮援大容見史傳無稱伶伴者伶伴即伶倫之譌篇海誤同

按後漢書班固東都賦伶侏兒離罔不具集太子賢

注曰鄭氏注周禮云四夷之樂東方曰韎南方曰任西方曰株離北方曰禁禁字書作伶音渠禁反侏音摩葛反伶伴蓋伶侏之譌非伶倫之譌也

熅注云音覽六書故火燄所攬及也舊注汎云火熅非按熅無義今不從

按宋史天聖二年命左正言直史館張觀等勘校隋史觀尋為度支判官續命黃熅代之謂熅無義今不從則宋史黃熅可塗抹耶

姝注云舊注音志有華氏女鯨娶謂之女姝本作志

按史記外戚世家王太后槐里人母曰臧兒索隱曰
皇甫謐云后名姝此女旁姝也世本鯨娶有華氏女
謂之女志非姝也

董注云音謹說文黏土也又劉守光圍滄州城城中食
董塊

按唐書藩鎮盧龍劉思恭傳光化初使其子守文襲
滄州節度使盧彥威棄城走遂有滄景德三州地天

祐三年朱全忠自將攻滄州壁長蘆仁恭悉發男子
十五以上得衆二十萬屯瓦橋全忠環滄築而溝之
内外援絕人相食仁恭從克用乞師以兵三萬合攻
潞州降全忠將丁會滄州圍乃解仁恭築館大安山
掠子女充之以董土為錢斂真錢穴山藏之殺匠滅
口子守光烝其嬖妾事覺仁恭謫之李思安來攻屯
石子河守光引兵出戰思安回攻大安山虜仁恭囚
別室据此則襲滄州者守文既而圍滄州者朱全忠

況滄州乃劉守光自有之地何從自圍滄州皆大謬
諱注云舊注音捉姓也晉有諱韓考姓譜無諱姓篇海
人名晉韓諱非姓也以名為姓倒作諱韓誤中又誤姓
苑隋有韓綽無韓諱篇海亦誤

按晉載記慕容德鎮鄴魏師次新城慕容青等請擊
之別駕韓諱進曰今魏不可擊者四燕不宜動者三
又慕容超正旦朝群臣於東陽殿遂議入寇其領軍
韓諱進曰今陛下嗣守成規宜閉關養士以待賊釁

不可結怨南鄰廣樹仇隙乃謂無韓諱何也

匄注云音倍人名晉有匄督又晉紀石勒初名匄

按晉載記時胡部大張匄督馮突莫等擁衆數千壁於上黨勒往從之因說匄督曰劉單于舉兵誅晉部大距而不從豈能獨立乎匄督蓋張姓也又按石勒初名匄石季龍勒之從子祖曰匄邪父曰寇覓是當時以匄名者有三後魏書石勒小字匄勒石虎祖曰匄邪匄即匄音義同也音倍者非

謫注云俗字舊注丁浪切當去聲言中理也按經史本
借當加言旁非

按隋書經籍志注梁有李謫之本草一卷李謫之樂
錄六卷不考證切實而遽云俗字非也

剗注云俗字舊注同却又音癡出釋典並非

按漢書古今人表有曹剗時師古曰即曹欣時也剗
音許其反方密之通雅曰各字書無剗惟龍龕作郝
丑脂切是剗有癡音也

獨注云舊注音喝恐逼也史記恐獨諸侯按史蘇秦傳
恫疑虛喝漢王莽傳恐喝良民與史記恐喝義同俗本
譌作獨他如漢書王子侯表葛魁侯寬坐縛家吏恐獨
受昧平城侯禮坐恐獨取人鷄皆譌喝為獨

按史記務以秦權恐喝諸侯不言恐獨王莽傳恐獨
良民師古曰獨以威力脅之也音呼葛反不言恐喝
王子侯表葛魁節侯寬元朔二年五月封八年薨元
狩四年侯戚嗣元鼎三年坐縛家吏恐獨受昧棄市

据此則是恐獨受昧者戚也今以為寬蓋沿通雅之誤而不之考耳

駿注云同省舊注音俊訓視非

按漢書諸侯王表魯恭王劉餘四世孫駿陽朔二年
嗣晉灼曰駿音鎬師古音子緣反此云與省同非也
咤注云同唇省與吻同舊注音訓同吻分咤唇為二非
按魏策韓咤周最注曰咤元從口秦策韓春謂秦王
曰珉欲以齊秦而困薛公鮑彪曰珉元作咤字書無

之吳師道曰岷珉策字通据此則岷非同吻也

筴注云倉多切筴屬同文舉要專訓炭籠非

按唐書郭釗傳貽書譙蠻筴巔則筴又蠻姓也

玠注云音五人名後蜀有委玠

按晉載記楊難敵之奔葭萌也恃險不法李雄遣中
領軍璿及將軍樂次等攻下辯征東李壽督璿弟玠
攻陰平璿及玠皆李雄兄李蕩之子字彙誤以為委
玠今復因之而不考何也

麇注云尼昆切人名姚秦太史郭麇

按晉書呂光傳光散騎常侍太常郭麇涼武昭王李
暉傳常與呂光太史令郭麇及其同母弟宋繇同宿
麇起謂繇曰君當位極人臣李君有國土之分溫公
通鑑涼散騎常侍太常西平郭麇善天文數術麇蓋
後涼太史也云姚秦誤

拊注云俗弄字說文弄玩也舊注引說文誤

按隋書列傳權武字武拊天水人也以忠臣子起家

襲爵齊郡公拊當以武技為訓

管城碩記卷二十三